



# Službeni glasnik

## Općine Donji Vakuf

Broj 6/03

Donji Vakuf, 11.07.2003. god.

Strana 1

Vijeće općine Donji Vakuf na sjednici održanoj dana 03.07.2003.godine, na osnovu člana 27. stav 2. Zakona o prometu nepokretnosti ("Sl.list SR BiH", broj: 38/78, 4/89, 29/90, i "Sl.list RBiH", broj: 22/91, 21/92, 3/93, 13/94 i 18/94) i člana 25. Poslovnika o radu Općinskog vijeća Donji Vakuf ("Sl.glasnik općine Donji Vakuf", broj: 1/98, 3/98 i 2/01), u predmetu prenosa prava korišćenja i raspolaganja na objektu Staro obdanište u Donjem Vakufu, donijelo je

### ODLUKU

#### I

DOZVOLJAVA se prenos prava korišćenja i raspolaganja na zgradi Staro obdanište u ulici 770. Slavne brdske brigade bb. u Donjem Vakufu sa Općine Donji Vakuf na Udruženje ratnih vojnih invalida Općine Donji Vakuf i Organizaciju porodica šehida i palih boraca Općine Donji Vakuf, izgrađenoj na k.p.1227 zv. kuća i zgrada površine 138 m<sup>2</sup> iz p.l.309 u k.o. Donji Vakuf I sa upisanim pravom korišćenja na Općini Donji Vakuf, a identično zemljoknjižnom tijelu II (zgrada) na gruntovnoj parceli 1146/13 u z.k.ul.1693 u k.o.Donji Vakuf.

#### II

Općina Donji Vakuf prenosi nekretninu iz tačke I ove odluke na novog korisnika bez prava na naknadu.

#### III

Ugovor o prenosu prava korišćenja i raspolaganja u ime Općine Donji Vakuf zaključit će načelnik općine Donji Vakuf, Safet Sultanović.

#### IV

Ova Odluka stupa na snagu danom donošenja i bit će objavljena u Službenom glasniku Općine Donji Vakuf.

Broj: 01/1-31-1007/03  
Donji Vakuf, 04.07.2003. godine

**PREDSJEDAVALAČI OPĆINSKOG VIJEĆA**  
Hadžić Džavid, dipl.ing šumarstva

Na osnovu člana 32. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakuf, na sjednici održanoj 03.07.2003 godine, usvojilo je

### ZAKLJUČAK

#### o lokaciji spomen obilježja šehidima i poginulim borcima

1. Bronzana statua izmjestit će se sa svoje trenutne lokacije i postaviti na dio ispred Doma kulture.

Spomen šehidima i poginulim borcima locirat će se na prostoru ispred zgrade stare željezare u ul. 14 Septembar u srednjem dijelu, ne na mjestu statue nego na sredini srednjeg dijela do ceste.

Zadužuje se Služba za stambeno-komunalne djelatnosti i prostorno uređenje da za ostali prostor u pojasu od Oboračke rijeke do mosta u jednom pravcu i od Vrbasa do magistralne ceste u drugom pravcu, u skladu sa zakonskim odredbama, da idejna rješenja.

2. Ovaj Zaključak objaviti u "Službenom glasniku Općine Donji Vakuf".

Broj: 01/1-23-1008/03  
Donji Vakuf, 04.07.2003. godine

**PREDSJEDAVALAČI OPĆINSKOG VIJEĆA**  
Hadžić Džavid, dipl.ing šumarstva

Na osnovu člana 32. Poslovnika o radu općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakuf je, na sjednici održanoj 03.07.2003 godine, donijelo

### ZAKLJUČAK

#### o davanju saglasnosti na Program rješavanja naplate zaostalih potraživanja po osnovu nakanade za korištenje gradskog građevinskog zemljišta

1. Daje se saglasnost na PROGRAM RJEŠAVANJA  
NAPLATE ZAOSTALIH POTRAŽIVANJA PO

OSNOVU NAKNADE ZA KORIŠTENJE GRADSKOG GRAĐEVINSKOG ZEMLJIŠTA, koji je sačinila Općinska služba za privredu i finansije, u tekstu kako slijedi:

**"PROGRAM  
RJEŠAVANJA NAPLATE ZAOSTALIH  
POTRAŽIVANJA PO OSNOVU NAKNADE ZA  
KORIŠTENJE GRADSKOG  
GRADEVINSKOG ZEMLJIŠTA**

Ovim Programom se pokušava riješiti pitanje zaostalih potraživanja po osnovu naknade za korištenje gradskog građevinskog zemljišta. Osnovni cilj je ista dugovanja svesti u zakonske okvire, a to bi se sprovodilo na sljedeći način:

1. Usaglašavanje knjigovodstvenih stanja sa zaključnim bilansnim stanjima iz ranijih perioda gdje nije nastupila zastara potraživanja.  
Rok: 30.06.2003. godine.  
Nosilac posla: glavni knjigovođa i služba za privredu uz pomoć Načelnika općine
- Upućivanje usaglašenih stanja dužnicima na saglasnosti-pravnim licima. Posao u radu od aprila tekuće godine.  
Rok: 30.06.2003. godine.  
Nosilac posla: Referent za obračun naknada, glavni knjigovođa i služba organa.
- Upućivanje opomena po usaglašenim stanjima i traženja naplate istih u Zakonskom roku.  
Rok: 30.06.2003. godine.  
Nosilac posla : Služba za privredu i finansije
2. Izrada tužbenih zahtjeva po isteku roka iz opomene  
Rok: 30.07.2003.god.  
Nosilac posla: Nadležni referent i služba za privredu i Načelnik općine.
3. Služba za privredu i finansije uz saglasnost Načelnika Općine radi na kompenzacijskim poslovima gdje postoji mogućnost za sprovođenje iste.  
Rok: stalan, permanentan  
Izvršilac glavni knjigovođa i služba za privredu i finansije, Načelnik općine.
4. U sklopu rješavanja ovog stanja zadužiti nadležni Općinski organ da korisnicima gradskog građevinskog zemljišta uskrati korištenje istog, te izda rješenje o uklanjanju objekta i davanja tog zemljišta drugom korisniku.  
Rok: stalan  
Nosilac posla: Imovinsko pravna služba odnosno inspekcijски organi nadležni za ovu djelatnost-oblast.

5. Program rješavanja ovog problema treba da bude operativan , a kranji cilj je izvršiti naplatu svih potraživanja po ovom osnovu."

2. Ovaj Zaključak objaviti u "Službenom glasniku Općine Donji Vakuf."

**Broj: 01/1-14-1009/03  
Donji Vakuf, 04.07.2003. godine**

**PREDSJEDAVALAČI OPĆINSKOG VIJEĆA  
Hadžić Džavid, dipl.ing šumarstva**

Na osnovu člana 32. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakuf, na sjednici održanoj 03.07.2003 godine, usvojilo je

**ZAKLJUČAK  
o prihvatanju Informacije o položaju nevladinih  
organizacija na području Općine Donji Vakuf**

1. Prihvata se INFORMACIJA O POLOŽAJU NEVLADINIH ORGANIZACIJA NA PODRUČJU OPĆINE DONJI VAKUF I POSTIGNUTIM EFEKTIMA U BRŽEM RAZVOJU CIVILNOG DRUŠTVA.

2. Ovaj Zaključak objaviti u "Službenom glasniku Općine Donji Vakuf".

**Broj: 01/1-05-1010/03  
Donji Vakuf, 04.07.2003. godine**

**PREDSJEDAVALAČI OPĆINSKOG VIJEĆA  
Hadžić Džavid, dipl.ing šumarstva**

Na osnovu člana 32. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakuf, na sjednici održanoj 03.07.2003 godine, usvojilo je

**ZAKLJUČAK  
uz Informaciju o položaju nevladinih  
organizacija na području Općine Donji Vakuf**

1. Zadužuje se Općinski načelnik da zajedno sa Službom za društvene djelatnosti i opću upravu, do naredne sjednice Vijeća, riješi pitanje prostorija Udruženja žena "ANIMA" Donji Vakuf.

2. Da se u narednom periodu, što hitnije, riješe prostorije za udruženja koja su podnijela zahtjeve za rješavanje ovog pitanja.

3. Ovaj Zaključak objaviti u "Službenom glasniku

Općine Donji Vakuf".

**Broj: 01/1-05-1011/03**  
**Donji Vakuf, 04.07.2003. godine**

**PREDSJEDAVALJUĆI OPĆINSKOG VIJEĆA**  
**Hadžić Džavid, dipl.ing šumarstva**

Na osnovu člana 32. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakuf, na sjednici održanoj 03.07.2003. godine, usvojilo je

**ZAKLJUČAK**  
**o prihvatanju Informacije o stanju**  
**poljoprivrede na području**  
**Općine Donji Vakuf za 2002. godinu**

1. Prihvata se INFORMACIJA O STANJU POLJOPRIVREDE NA PODRUČJU OPĆINE DONJI VAKUF ZA 2002. GODINU uz stav:

- da se urade spiskovi lica koja su dobila donaciju ili ranije kreditirana u oblasti poljoprivrede i ukoliko postoji mogućnost da Načelnik općine u okviru Službe za privredu i finansije sistematizuje jedno radno mjesto - referat poljoprivrede.

2. Ovaj Zaključak objaviti u "Službenom glasniku Općine Donji Vakuf".

**Broj: 01/1-05-1012/03**  
**Donji Vakuf, 04.07.2003. godine**

**PREDSJEDAVALJUĆI OPĆINSKOG VIJEĆA**  
**Hadžić Džavid, dipl.ing šumarstva**

Na osnovu člana 32. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakuf je, na sjednici održanoj 03.07.2003. godine, donijelo

**ZAKLJUČAK**  
**po Informaciji o radu javnih preduzeća**  
**i ustanova čiji je osnivač Općina**

1. Prihvataju se Izvještaji o radu upravnih odbora:

- Komunalnog preduzeća "Gradina" Donji Vakuf,  
- Javne ustanove "Dječiji vrtić" Donji Vakuf,  
- Javne ustanove "Centar za socijalni rad" Donji Vakuf.

2. Obavezuju se Javno preduzeće "Veterinarska stanica" Donji Vakuf i Javno preduzeće "RUdina" Donji Vakuf da do naredne sjednice Vijeća dostave Izvještaje o radu Upravnih odbora ovih preduzeća.

3. Ovaj Zaključak objaviti u "Službenom glasniku Općine Donji Vakuf."

**Broj: 01/1-05-1013/03**  
**Donji Vakuf, 04.07.2003. godine**

**PREDSJEDAVALJUĆI OPĆINSKOG VIJEĆA**  
**Hadžić Džavid, dipl.ing šumarstva**

Na osnovu člana 32. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakuf, na sjednici održanoj 03.07.2003. godine, usvojilo je

**ZAKLJUČAK**  
**uz Informaciju o radu upravnih odbora javnih**  
**preduzeća i ustanova čiji je osnivač Općina**

1. Prema novim propisima, koji su sada na snazi, pristupiti proceduri konstituisanja upravnih odbora.

2. Ovaj Zaključak objaviti u "Službenom glasniku Općine Donji Vakuf".

**Broj: 01/1-05-1059/03**  
**Donji Vakuf, 04.07.2003. godine**

**PREDSJEDAVALJUĆI OPĆINSKOG VIJEĆA**  
**Hadžić Džavid, dipl.ing šumarstva**

Na osnovu člana 32. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakuf, na sjednici održanoj 03.07.2003. godine, usvojilo je

**ZAKLJUČAK**  
**o prihvatanju Izvještaja o provedenoj**  
**privatizaciji na području Općine Donji Vakuf**

1. Prihvata se IZVJEŠTAJ O PROVEDENOJ PRIVATIZACIJI NA PODRUČJU OPĆINE DONJI VAKUF uz stav:

- da se od Agencije za privatizaciju zatraže podaci o uslovima pod kojima su preduzeća privatizovana (posebno zadržavanja i proširenja proizvodnih kapaciteta, status zatečenih radnika i obaveza za nova zapošljavanja, rješavanje zatečenih dugovanja i ulaganja u nove tehnologije i sl.),

- da se Agenciji za privatizaciju dostavi pregled svih potraživanja Općine Donji Vakuf od privatiziranih preduzeća (obaveze za gradsko građevinsko zemljište, pozajmice i sl.),

- da se dostave podaci o podjeli imovine između preduzeća TOSK i novoformiranog preduzeća "Primo", jer prema izvještaju Službe za geodetske i imovinsko pravne poslove Općine Donji Vakuf u imovini novonastalog preduzeća "Primo" nalazi se samo proiz-

vodna hala II, dok je navodno privatizovana i proizvodna hala I i II,

- da Agencija dostavi sve podatke za objekte koji su privatizirani u tvz. "maloj privatizaciji" u pogledu preuzetih obaveza o zadržavanju zatečenih radnika u radnom odnosu najmanje tri godine, te da nadležne službe ispituju sve slučajeve u kojima je radnicima prestao radni odnos na osnovu isplaćenih plaća, da li su isplaćene društvene obaveze, odnosno doprinosi na isplaćene plaće,

- da se sa ovim zaključcima upozna Općinski javni pravobranilac kao i nadzorni odbori privatizovanih preduzeća,

- da se Općinskom javnom pravobranioocu dostave podaci o privatizaciji J. P. "Rudina" te da isti preduzme hitne radnje i preispita način provedene privatizacije, posebno u odnosu na štetu koja je eventualno učinjena prema imovini Općine Donji Vakuf.

2. Ovaj Zaključak objaviti u "Službenom glasniku Općine Donji Vakuf".

**Broj: 01/1-19-1014/03**  
**Donji Vakuf, 04.07.2003. godine**

**PREDSJEDAVALJUĆI OPĆINSKOG VIJEĆA**  
**Hadžić Džavid, dipl.ing šumarstva**

Na osnovu člana 32. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakuf", na sjednici održanoj 03.07.2003 godine, donijelo

**ZAKLJUČAK**  
**po aktu Ministarstva zdravstva SBK**  
**naslovljenom kao Organizacija centara za**  
**socijalni rad**

1. Na prvoj narednoj sjednici Općinskog vijeća podnijet će se prijedlog sistematizacije radnih mjesta Javne ustanove Centar za socijalni rad Donji Vakuf koji će biti u potpunosti usklađen sa uslovima u pogledu stručne spremlje i profila radnika koji mogu raditi u Centru.

2. Odmah raspisati konkurs za popunu radnog mjesta Direktora Centra za socijalni rad jer je isti već stupio na novu dužnost u Sarajevu.

3. Ovaj Zaključak objaviti u "Službenom glasniku općine Donji Vakuf".

**Broj: 01/1-05-1015/03**  
**Donji Vakuf, 04.07.2003. godine**

**PREDSJEDAVALJUĆI OPĆINSKOG VIJEĆA**  
**Hadžić Džavid, dipl.ing šumarstva**

Na osnovu člana 32. Poslovnika o radu općinskog vijeća Donji Vakuf ("Službeni glasnik općine Donji Vakuf", broj: 1/98, 3/98 i 2101), Općinsko vijeće Donji Vakuf na sjednici održanoj 03.07.2003 godine, usvojilo je

**ZAKLJUČAK**  
**po aktu Medžlisa islamske zajednice**  
**Donji Vakuf**

1. Iz naplate starijih potraživanja Općine, ne iz budžetskih sredstava iz ove godine nego iz ranijih perioda, da se jedan dio sredstava usmjeri na popravku zgrade Medžlisa islamske zajednice Donji Vakuf.

2. Ovaj Zaključak objaviti u "Službenom glasniku općine Donji Vakuf".

**Broj: 01/1-14-1016/03**  
**Donji Vakuf, 04.07.2003. godine**

**PREDSJEDAVALJUĆI OPĆINSKOG VIJEĆA**  
**Hadžić Džavid, dipl.ing šumarstva**

**SADRŽAJ**

Red broj		
	1. Odluka o dozvoljavanju prenosa prava korištenja na zgradi Staro obdanište na Udruženje ratnih vojnih invalida Donji Vakuf	1
	2. Zaključak o lokaciji spomen obilježja šehidima i poginulim borcima	1
	3. Zaključak o davanju saglasnosti na Program rješavanja naplate zaostalih potraživanja po osnovu naknade za korištenje gradskog građevinskog zemljišta	1
	4. Zaključak o prihvatanju Informacije o položaju nevladinih organizacija na području Općine Donji Vakuf	2
	5. Zaključak uz Informaciju o položaju nevladinih organizacija na području Općine Donji Vakuf	2
	6. Zaključak o prihvatanju Informacije o stanju poljoprivrede na području Općine Donji Vakuf za 2002 godinu	3
	7. Zaključak po Informaciji o radu javnih preduzeća i ustanova čiji je osnivač Općine	3
	8. Zaključak uz Informaciju o radu upravnih odbora javnih preduzeća i ustanova čiji je osnivač Općina	3
	9. Zaključak o prihvatanju Izvještaja o provedenoj privatizaciji na području Općine Donji Vakuf	3
	10. Zaključak po aktu Ministarstva zdravstva SBK naslovljenom kao Organizacija centara za socijalni rad	4
	11. Zaključak po aktu Medžlisa islamske zajednice Donji Vakuf	4